



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳԵՂԱՐՔՈՒՆԻՔԻ ՄԱՐԶՊԵՏ
ԿԱՐԳԱԴՐՈՒԹՅՈՒՆ

N 115 - Ա

29 հունիսի 2016 թ.

ՎԱՐԴԱՎԱՌԻ ՏՈՆԱԿԱՏԱՐՈՒԹՅԱՆ ԸՆԹԱՑՔՈՒՄ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶԱՅԻՆ ԵՆԹԱԿԱՅՈՒԹՅԱՆ
ԲԺՇԿԱԿԱՆ ՀԱՍՏԱՏՈՒԹՅՈՒՆԵՐԻ ԿՈՂՄԻՑ ԲՆԱԿՉՈՒԹՅԱՆ ԱՌԱՋՆԱՅԻՆ,
ՇՏԱՊ ԵՎ ԱՆՀԵՏԱԶԳԵԼԻ ԲԺՇԿԱԿԱՆ ՕԳՆՈՒԹՅՈՒՆ ԵՎ ՄՊԱՍԱՐԿՈՒՄ
ԿԱԶՄԱԿԵՐՊԵԼՈՒ ՄԱՍԻՆ

Ղեկավարվելով Հայաստանի Հանրապետության Նախագահի 1997 թվականի մայիսի 6-ի ՆՀ-728 հրամանագրի 1.6-րդ կետի դրույթով

կարգադրում եմ՝

1. Հայաստանի Հանրապետության Գեղարքունիքի մարզային ենթակայության բժշկական հաստատությունների տնօրեններին՝ 2016 թվականի հուլիսի 3-ին Վարդավառի տոնակատարության ժամանակ Հայաստանի Հանրապետության Գեղարքունիքի մարզի բնակչության առաջնային, շտապ և անհետաձգելի բժշկական օգնությունը և սպասարկումը ապահովելու համար.

1) Հայաստանի Հանրապետության Գեղարքունիքի մարզի բժշկական հաստատություններում սահմանել հերթապահություն՝ ներգրավելով նաև նեղ մասնագետ բժիշկների.

2) ուշադրության կենտրոնում պահել Հայաստանի Հանրապետության Գեղարքունիքի մարզի շտապ օգնության ծառայությունների աշխատանքները և ապահովել նրանց կողմից բնակչությունից ստացված յուրաքանչյուր կանչի անհապաղ սպասարկումը.

3) Վարդավառի տոնակատարությունից հետո երկու աշխատանքային օրվա ընթացքում կատարված աշխատանքների մասին տեղեկատվություն ներկայացնել Հայաստանի Հանրապետության Գեղարքունիքի մարզպետարանի աշխատակազմ:

2. Սույն կարգադրության կատարման հսկողությունը վերապահել Հայաստանի Հանրապետության Գեղարքունիքի մարզպետի տեղակալ Արտաշես Նիկոյանին:

3. Սույն կարգադրությունն ուժի մեջ է մտնում ստորագրման պահից:

ՄԱՐԶՊԵՏ՝

